



Poziv na učešće u procesu javnih konsultacija:

Strateška platforma Strategije razvoja poljoprivrede, šumarstva i vodoprivrede Tuzlanskog kantona do 2034. godine

Proces izrade Strategije razvoja poljoprivrede, šumarstva i vodoprivrede Tuzlanskog kantona do 2034. godine pokrenut je na inicijativu Ministarstva poljoprivrede, šumarstva i vodoprivrede Tuzlanskog kantona, a provodi se na osnovu Projektnog zadatka Ministarstva, u skladu sa Zakonom o razvojnom planiranju i upravljanju razvojem u Federaciji Bosne i Hercegovine („Službene novine Federacije BiH“, broj: 32/17), Uredbom o izradi strateških dokumenata u Federaciji Bosne i Hercegovine („Službene novine Federacije BiH“, br. 74/19 i 2/21) te relevantnim propisima iz oblasti poljoprivrede, ruralnog razvoja, veterinarstva, šumarstva, lovstva i vodoprivrede.

Nosilac procesa izrade Strategije je Ministarstvo poljoprivrede, šumarstva i vodoprivrede Tuzlanskog kantona, koje koordinira i vodi izradu dokumenta putem Radnog tijela za izradu Strategije. Za stručnu i operativnu izradu Strategije angažiran je Ekonomski fakultet Univerziteta u Tuzli, koji je uspostavio Izvršni tim za izradu Strategije. U procesu, kroz rad Koordinacionog tima i tematskih grupa, učestvuju predstavnici nadležnih kantonalnih ministarstava i institucija, Kantonalne uprave za šumarstvo, Poljoprivrednog zavoda, Veterinarskog zavoda Tuzlanskog kantona, gradova i općina, javnih ustanova i preduzeća, akademske zajednice, privrednih subjekata, poljoprivrednih proizvođača, udruženja i drugih socio-ekonomskih partnera. Horizontalna i vertikalna koordinacija procesa osigurana je kroz saradnju sa nadležnim institucijama Tuzlanskog kantona i usklađivanje sa strateškim dokumentima Federacije Bosne i Hercegovine, Bosne i Hercegovine i Evropske unije.

U dosadašnjem procesu izrade Strategije formirane su tematske grupe koje su obuhvatile ključne oblasti:

- poljoprivreda i ruralni razvoj,
- vodoprivreda, šumarstvo i lovstvo,
- veterinarstvo, ribarstvo, prehrambena i drvna industrija.

Kroz rad tematskih grupa izrađena je situaciona analiza za period 2021–2025. godine, koja obuhvata strateški, zakonodavni i institucionalni okvir, stanje prirodnih resursa, proizvodne i infrastrukturne kapacitete, ekonomske, finansijske, tržišne, demografske, obrazovne i inovacijske pokazatelje, prostorno-planski okvir, institucionalne kapacitete Ministarstva te analizu dosadašnjeg finansiranja i finansijsku projekciju. Na osnovu nalaza situacione analize, SWOT analize i rezultata održanih radionica utvrđeni su ključni razvojni izazovi, potencijali i

strateški fokusi, formuliran je prijedlog vizije razvoja te definisana **tri strateška cilja** sa indikatorima uticaja:

1. Konkurentna, produktivna i klimatski otporna poljoprivreda, uz vitalna ruralna područja;
2. Unaprijeđena integralna zaštita, održivo upravljanje i korištenje šumskih, vodnih i lovni resursa;
3. Unaprijeđena biosigurnost, veterinarstvo, ribarstvo i akvakultura te konkurentna prehrambena i drvna industrija više dodane vrijednosti.

Strateška platforma predstavlja prvu i temeljnu cjelinu Strategije. U narednim fazama izrade, na osnovu usaglašene Strateške platforme, bit će definisani prioriteti i mjere sa indikatorima, strateški projekti, indikativni finansijski okvir te sistem provođenja, praćenja, izvještavanja i evaluacije Strategije, nakon čega će cjeloviti Nacrt Strategije biti ponovo stavljen na javne konsultacije.

Pozivamo sve zainteresirane institucije, jedinice lokalne samouprave, javne ustanove i preduzeća, privredne subjekte, poljoprivredne proizvođače, udruženja, stručnu i akademsku javnost te građane da svoje prijedloge, sugestije i komentare na Nacrt Strateške platforme Strategije razvoja poljoprivrede, šumarstva i vodoprivrede Tuzlanskog kantona do 2034. godine dostave putem **Obrasca za javne konsultacije**, koji je u prilogu ovog poziva, najkasnije do **11.10.2026. godine** na e-mail adresu: minpvs@tk.kim.ba.

Sve pristigle primjedbe, komentare i prijedloge Ministarstvo i Izvršni tim će evidentirati, sistematizirati i stručno razmotriti. Prihvaćeni prijedlozi bit će integrirani u konačnu verziju Strateške platforme, dok će za prijedloge koji ne budu prihvaćeni ili budu djelimično prihvaćeni biti pripremljena odgovarajuća obrazloženja.

**Ministarstvo poljoprivrede, šumarstva i vodoprivrede
Tuzlanskog kantona**